



Broj: 05-01-04-50075-32/23
Sarajevo, 17.01.2024 godine

SKUPŠTINA KANTONA SARAJEVO

- OVDJE-

PREDMET: Odgovor na zastupničko pitanje Gaković Elze. dostavlja se

Veza Vaš akt br.: 01-04-50075-32/23 od 24.11.2023. godine.

Dana 01.12.2023. godine, Ministarstvo komunalne privrede, infrastrukture, prostornog uređenja, građenja i zaštite okoliša je zaprimilo predmetni akt, na nadležno postupanje sa prilogom. zastupničko pitanje zastupnice Gaković Elze.

Zastupnica Elza Gaković je na 12 (dvanaestoj) radnoj sjednici Skupštine Kantona Sarajevo održanoj dana 24.11.2023 godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje koja glase:

- *Da li se do kraja oktobra 2023. godine trebao realizirati projekat toplifikacije Općine Vogošća ?*
- *Da li su sredstva bila osigurana i u kom iznosu ?*
- *Da li urađena studija izvodljivosti daljinskog grijanja osigurana od strane EBRD, ako jeste ko je radio studiju ?*
- *Zašto ovaj projekat nije realiziran do navedenog roka i koja je šteta nerealizacije ovog projekta za Kanton Sarajevo ?*

ODGOVOR

- *Da li se do kraja oktobra 2023. godine trebao realizirati projekat toplifikacije Općine Vogošća ?*

Toplifikacija Općine kao projekat ne postoji, ali obzirom na ustanovljenu neefikasnost toplifikacionog sistema kojim upravlja "BAGS – Energotehnika", koje je staro više od 40 godina i koje predstavlja opasnosti od havarije, pristupilo se planiranju projekta o izvođenju radova na rekonstrukciji kotlovnice i instalacija toplotnih pumpi voda-voda i kotlova na prirodni gas u kotlovnici preduzeća "BAGS Energotehnika" d.d. Vogošća.

U toku sezone grijanja, prema javno dostupnim podacima, Sarajevo i van gradske općine su prema mjerenjima često jedan od najzagađenijih gradova u Evropi. Izvori zagađenja su višestruki, ali kao osnovni razlozi konstantnih prekomjernih zagađenja čvrstim česticama smatraju se



saobraćaj, individualna ložišta i ograničeno centralno grijanje. U posljednje vrijeme, usljed globalnog poremećaja tržišta, javlja se i zabrinutost oko obezbjeđenja dovoljnih količina prirodnog gasa za potrebe grijanja.

Vlada Kantona Sarajevo je prepoznala ove izazove i svoje opredjeljenje za savladavanje izazova jasno iskazala usvajanjem kantonalnih strateških dokumenata kao što su Izmjene i dopune Kantonalnog plana zaštite okoliša Kantona Sarajevo 2021-2025. godina i Zeleni akcioni plan Kantona Sarajevo. Kroz ove dokumente jedna od planiranih mjera za poboljšanje kvaliteta zraka je unaprijeđenje i proširenje sistema centralnog/daljinskog grijanja u Kantonu Sarajevo.

U skladu sa usvojenim mjerama iz kantonalnih strateških dokumenata, dana 15.04.2021. godine Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo uputilo je Europskoj banci za obnovu i razvoj (EBRD), Pismo interesa za realizaciju projekata u funkciji proširenja i unaprijeđenja postojećeg sistema centralnog grijanja u Kantonu Sarajevo, preferencijalno uz primjenu obnovljivih izvora energije. U Pismu je, između ostalog, navedeno opredjeljenje Kantona i ovog Ministarstva za primjenu savremenih, ekološki prihvatljivih tehnologija poput toplotnih pumpi, a gdje bi potencijalan izvor energije bili geotermalni izvori, energija iz otpada i otpadnih voda ili rijeke.

Nakon izražavanja interesa, EBRD je sa predstavnicima Ministarstva, te preduzeća BAGS Energotehnika dd Vogošća i KJKP "Toplane – Sarajevo" d.o.o. Sarajevo održao niz radnih sastanaka, a kao rezultat sastanaka pripremljeno je Mandatno pismo koje je razmatrano i prihvaćeno od strane Vlade Kantona.

EBRD je potvrdio svoju zainteresovanost da razmotri učestvovanje u Projektu. Za implementaciju projekta su trebalo biti zaduženo KJKP „Toplane – Sarajevo” d.o.o. Sarajevo, u saradnji sa „BAGS – Energotehnikom” d.d. Vogošća.

Potpisivanjem Mandatnog pisma završene su pripremne aktivnosti i stvoreni su uslovi za izradu Studije izvodljivosti za Kanton i preduzeća, odnosno stvoreni su uslovi za provođenje konkretnih aktivnosti u cilju pokretanja projekta „Poboljšanje postojećeg sistema centralnog grijanja i korištenje obnovljivih izvora energije u Kantonu Sarajevo“. (EBRD Renewable District Energy for Western Balkans (Re-DEWeB) Programme: Sarajevo Canton Feasibility Study).

Imajući u vidu sve navedeno, kao i cjelokupan značaj projekata za Kanton Sarajevo, predložilo se Vladi Kantona Sarajevo donošenje predmetne Odluke. Vlada Kantona Sarajevo, na 62. sjednici održanoj 27.01.2022. godine, donijela je Odluku, Broj 02-04-2048-6/22 od 27. januara 2022. godine, na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) i Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", broj: 10/11). Ovom odlukom se daje saglasnosti Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo, za pokretanje: Projekta "Poboljšanje postojećeg sistema centralnog grijanja i korištenje obnovljivih izvora energije u Kantonu Sarajevo" u maksimalnom ukupnom iznosu od 20 miliona EUR (ekv. 39,116,600.00 KM). Projekat je usklađen sa nacrtom Strategijom razvoja Kantona Sarajevo 2021-2027. god., Izmjenama i dopunama Kantonalnog plana zaštite okoliša Kantona Sarajevo 2021-2025. god. i Zelenim akcionim planom Kantona Sarajevo. Sastavni dio Projekta je struktura izvora finansiranja projekta u kojem su predviđena i kreditna sredstva EBRD-a u maksimalnom ukupnom iznosu od 16 miliona EUR i 4 miliona EUR nepovratnih (grant) sredstava. Postupak zaduživanja vršit će se u skladu sa Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija. Ova odluka je stupila je na snagu danom donošenja, a objavljena je i u Službenim novinama Kantona Sarajevo, broj: 6/22.

Ugovoru o izvođenju radova na rekonstrukciji kotlovnice i instalacija toplotnih pumpi voda-voda i kotlova na prirodni gas u kotlovnici preduzeća BAGS Energotehnika d.d. Vogošća".



- *Da li su sredstva bila osigurana i u kom iznosu ?*

Bila su osigurana Budžetom Kantona Sarajevo za 2022. godinu u iznosu od cca 3.5 mil. KM. U "Ugovoru o izvodenju radova na rekonstrukciji kotlovnice i instalacija toplotnih pumpi voda-voda i kotlova na prirodni gas u kotlovnici preduzeća BAGS Energotehnika d.d. Vogošća". u podglavlju III VRIJEDNOST UGOVORA, u članu 2. Ukupna vrijednost radova, usluga, materijala i opreme koji su predmet ovog Ugovora iznosi:

- Iznos bez PDV - a 2.991 432.40 KM;
- Iznos PDV - a 508.543.50 KM

UKUPNO SA PDV-om 3.449.975,91 KM

(Slovima: trimilionačetristotinečetredesetdevethiljadadevetstotinasedamdesetpet i 91/ 100 KM)

- *Da li urađena studija izvodljivosti daljinskog grijanja osigurana od strane EBRD, ako jeste ko je radio studiju ?*

Studija izvodljivosti je osigurana od strane EBRD i naziv je: "Program priključenja i proširenja sistema daljinskog grijanja sa pravnom analizom u Kantonu Sarajevo". Studiju je finansiralo Federalno ministarstvo Republike Austrije i EBRD – Evropska banka za rekonstrukciju i razvoj. Studiju je izradila kompanija "nLogic Advisary", a podloga za izradu ove studije je bila EBRD Renewable District Energy for Western Balkans (Re-DEWeB) Programme: Sarajevo Canton Feasibility Study iz Jula 2022. godine, koju su izradile NIRAS SR d.o.o. sa NIRAS DK - WAEN and SESS d.o.o

- *Zašto ovaj projekat nije realiziran do navedenog roka i koja je šteta nerealizacije ovog projekta za Kanton Sarajevo ?*

Rok za realizaciju Ugovora bio 9. (devet) mjeseci od potpisivanja, a trajanje Ugovora je dvanaest mjeseci odnosno do 10.01.2024. godine. Razlozi nerealizacije Ugovora je bio niz propusta Izvođača radova. Ministarstvo je sa svoje strane pokušavalo da se nastavi sa realizacijom Ugovorenog projekta i zahtijevajući da Izvođač dostavi investiciono-tehničku dokumentaciju u skladu sa Ugovorom, a što nije učinjeno. Na posljednjem sastanku, predstavnika Ministarstva na čelu sa Ministrom i predstavnika Izvođača održan je 30.05.2023. godine. Na sastanku je predstavnik Izvođača je konstatovao je da nije u mogućnosti isporučiti i instalirati ugovorenu opremu u skladu sa tehničkom specifikacijom iz Tenderske dokumentacije odnosno ispuniti obavezu iz Ugovora. Predstavnik Izvođača je na sastanku izjavio da će podnijeti prijedlog za sporazumni raskid Ugovora, što do sada nije urađeno.

S poštovanjem,



Dostaviti:

1. Naslovu,
2. Predsjedavajućem Skupštine Kantona Sarajevo,
3. Stručnoj službi Vlade Kantona Sarajevo,
4. Služba za skupštinske poslove + CD.
5. Evidencija,
6. Arhiva.



Pripremio: Dževad Čeljo, Šef odjeljenja za komunalne djelatnosti i infrastrukturu

Kontrolisao: Muhamed Bekto, Pomoćnik ministra Sektor za komunalne djelatnosti, infrastrukturu i pravne poslove

